

裏及南方爲三等，從給事中朱隆禧等言也。”此何以不及南方？

穆、神二宗時，議者嘗言武科當以技勇爲重。萬曆之末，科臣又請特設將材武科，至報可而未行也。

按萬曆十六年十一月實錄，南京兵部右侍郎王世貞條上軍政，其言“武官六年比試，首二場馬步射不入格者，仍令入第三場，其騎射策論各有一長者，免黜。若奇才偉略，明識博覽，綽綽乎藝文之表者，卽杜預之力不穿札，韋叡之弱不習騎，亦破格收錄”云。蓋以才略爲重，亦下所司而未行者。

崇禎四年，武會試榜發，論者大譁云云。

崇禎四年八月實錄：“諭武舉試藝，毋專取文藻。兵部覆試武舉，奏技勇多不稱，遂削前監試御史余文燦等籍，下主試左春坊楊世芳、劉必達於獄。改命侍講方逢年、編修倪元璐覆試，與前榜同者三十人，時有大臣子不得與，遂導上過督之，元璐覆試，大臣子復不與，且上章訟世芳等冤，士論偉之。”

按此可參閱史姜名武附傳及考證。又是年武場定令，技勇策論兼優者爲最，策論優而技勇稍劣者次之，技勇優而策論不能者又次之，其技勇劣者不准，榜出，仍有言者，竟下主考於獄；然七年二場，大風，步箭中者甚少，監者恐入場人數不及原額，上疏請之，但有一箭，亦准入場，是所重又不在技勇也。兩科之中，立法參差。又武場原止騎射，是年加以刀石，刀三等，自一百二十斤至八十斤，石三等，自五百斤至二百五十斤。開場之日，有一武舉質問監者，謂如此，則選將才與選家丁何異！以爲戰將且不可，況大將耶！請辭。監者媿其言，使人留之，掉臂竟去。蓋玉堂舊記卷下記之云爾，可參閱原文，其他不滿於當時武場之語尚多，此從略。

明史卷七十一(志第四十七)考證

是年，洪武六年遂罷科舉，別令有司察舉賢才，以德行為本，而文藝次之。其目，略曰孝廉，曰秀才，略至十七年始復行科舉，而薦舉之法並行不廢。

顧炎武日知錄卷十六：“明初嘗舉秀才，洪武十五年徵至秀才數千人如太祖實錄洪武四年四月辛丑，以秀才丁士梅為蘇州府知府，童權為揚州府知府，俱賜冠帶，十年二月丙辰，以秀才徐尊生為翰林應奉，十五年八月丁酉，以秀才曾泰為戶部尚書是也。亦嘗舉孝廉，洪武十八年十二月丙午洪武二十年二月己丑，以孝廉李德為應天府尹是也。此辟舉之名，非所施於科目之士，今俗謂生員為秀才，舉人為孝廉，非也。”胡鳴玉訂譌雜錄卷九同。

按秀才之選，至洪武二十六年猶行其制，如選秀才張宗璿等，俾隨詹事府左右春坊官，分班入直文華殿，侍講畢，進說民間利害田里稼穡等事，間陳古今孝悌忠信文學材藝諸故事，日以為常，見是年七月實錄。

耆儒鮑恂、余詮、全思誠、張長年輩年九十餘，徵至京，即命為文華殿大學士。

按據史吳伯宗傳，恂年八十餘，長年、詮亦皆踰七十矣，全思誠後恂等徵，未詳其年，此並云年九十餘，誤也。

儒士王本、杜敷、趙民望、吳源特置為四輔官兼太子賓客。至凡其顯擢者如此。

其以漸而躋貴仕者，又無算也。

按上述諸被薦舉顯擢者，史或有傳，或無傳，而無傳者多；若洪武朝被薦舉而非顯擢，然其後行能有表見，史爲立傳或附傳者，則轉多於上述諸人，足證任官之效，固不係於資格，而被薦舉者一時之授官高下，亦往往採之聲聞，取之容貌，又多稟於太祖之褊衷專斷，未與諸人之行能相準也。茲姑就儒士明經秀才賢良人材等目，稍舉一二姓名初職於此，供讀者參考：洪武初，吳沈以儒士舉，授翰林院待制，二年，徵儒士十八人編禮樂諸書，宋訥與焉，事竣不仕歸，久乃授國子助教，洪武末，林嘉猷以儒士校文四川，附史方孝孺傳云在洪武丙子，丙子爲二十九年儀智則以耆儒舉，授高密訓導。其以明經舉者，除洪武元年錢唐特授刑部尚書爲顯擢外，開濟授河南府訓導，洪武初劉崧授兵部職方司郎中，傳云，洪武三年，舉經明行修。程本立除秦府引禮舍人，傳云，洪武中，舉明經秀才。王伯貞授試僉事，分巡廣東雷州，王直父，直傳云，洪武十五年，以明經聘至京，時應詔者五百餘人，伯貞對策第一。李原名爲御史，傳云，洪武十五年，以通經儒士舉。張統爲東宮侍書，洪武中李至剛選侍東宮，授禮部郎中，二十一年鄭居貞歷官鞏昌通判、河南參政，附方孝孺傳初職未詳，高翔附胡閏傳王度皆爲御史，周是修授霍丘訓導，洪武末而洪武中李仕魯，以朱氏學舉除黃州同知，蓋明經之又一例也。其以秀才舉者，除詹徽附父詹同傳凌漢附楊靖傳不詳初職外，洪武元年，牛諒爲典簿，四年，胡閏爲都督府都事，皆微職，而六年陳則授應天府治中，俄擢戶部侍郎，附王行傳亦范敏之比矣。其以賢良舉者，洪武初，費震爲吉水知州，附楊思義傳十五年，劉仕猷對策稱旨，授廣東按察司僉事，分司瓊州，十七年，蕭岐上十便書，授潭王府長史，力辭，忤旨被謫，黃鉞授宜章典史，建文朝仍由科舉進。其以人材舉者，洪武初，林鴻授將樂縣訓導，洪武中，楊任歷官袁州知府，附黃子澄傳張昺累官工部侍郎，皆不詳初職，郁新授戶部度支主事，陳瑛貢入太學擢御史，洪武末，向朴爲獻縣知縣。綜上

述諸人初職，以校史諸傳事蹟，固知諸人之未盡厥用者多矣，則彼虛被推轂立登要津者之徒尸其位，又何足怪！必合諸傳與志讀之，庶洪武朝薦舉之效，與得失之故，大概可觀。他目較少，從略。

御史陳迹奏崇仁儒士吳與弼學行。

按奏文見景泰七年十一月實錄，惟陳迹，實錄作陳述，史與弼傳同，此誤。

至若正德四年，浙江大吏薦餘姚周禮、徐子元、許龍，上虞徐文彪。至此則因薦舉而得禍者，又其變也。

正德四年二月實錄：“勒前大學士劉健、謝遷爲民。先是，詔訪舉懷材抱德之士，浙江以餘姚周禮、徐子元、許龍，上虞徐文彪四人應詔，所司未納，四人屢奏求用，時瑾恨健、遷未已，以四人皆遷同鄉，而草詔由健，欲因而罪之。遂矯旨，謂天下至大，豈無可應詔者，何餘姚隱士之多如此！必有徇私援引之弊，遂下禮等鎮撫司鞫問。吏部尚書劉宇阿瑾意，劾布政使林符、邵寶、李贊，參政伍符，參議尚衡、馬輅，知府劉麟，推官諶聰，知縣汪度，訪舉失實，而鎮撫司獄辭，因連及健、遷，瑾持至內閣，必欲逮健、遷并坐，且籍其家，大學士李東陽徐爲勸解，瑾意少釋，焦芳在旁因抗聲曰，縱輕處，亦當除名。既而旨下，健、遷皆爲民，禮等謫戍邊衛，符等各罰米三百石，國榷卷四十七同，志作二百石，誤。聰、度仍罷職，且著令，自今餘姚人毋選京官。”

李默孤樹裏談：“浙江紹興府勘報經明行修者四人，內餘姚三人，逆瑾以爲謝閣老所私，執送錦衣衛鎮撫司問，其一人妄招，詞連謝，因及洛陽，劉瑾以爲奇貨，可勝宿怨，笑曰，今入我彀中矣！言於上，必欲置謝於邊戍，賴李東陽曲爲辨析，令其爲民。”

在外府、州、縣正佐，在內大小九卿之屬

員，皆常選官，選授遷除，一切由吏部。
其初用拈鬮法，至萬曆間變爲掣籤。二十九年，文選員外郎倪斯蕙條上銓政十八事，其一曰議掣籤。尚書李戴擬行報可，孫丕揚踵而行之。

按此文承明史稿之誤。掣籤法，創於萬曆二十二年八月孫丕揚秉銓以後，故二十三年五月實錄，已有“吏部孫丕揚揀選掣籤，頗稱無私”之語。丕揚病免在二十四年閏八月，李戴繼蔡國珍任，在二十六年六月，見實錄及七卿表二。是時大僚缺人，九卿及科道掌印者，咸得自舉聽上裁，而吏部諸曹郎，亦由九卿推舉，尚書不得自擇其屬，在外府佐及州縣正佐官，則盡用掣籤法，部權日輕，戴視事，謹守新令幸無罪而已，見史戴本傳，則謂丕揚創法，戴踵而行之可也，而此文乃顛倒孫、李，其誤明甚。若云僅指倪斯蕙所議而言，則據三十年七月實錄，載斯蕙議掣籤，但簡括爲“宜分地方，愜人情”而已，戴採斯蕙議，於掣籤法加以修改蓋有之；然戴於三十一年十二月致仕，丕揚再任，已在三十七年四月，又何必以此法有所修改，更云丕揚踵而行之乎？要之就此文整段以觀，竟不知掣籤法爲丕揚所創者，可怪也。且萬曆二十六年六月，吏部嘗採曹大咸議修改掣籤法矣，國榷卷七十八載：“是月，吏部覆禮科給事中曹大咸所議掣籤法言：三等未便，分籤東西南北四筒，東北則北直山東爲主；而河南之汝、彰、歸、衛，南直之廬、鳳、淮、揚附之；東南則南直浙江、福建、廣東爲主，而廣西之梧、平樂、桂林附之；西北則陝西、山西，而河南之懷慶、開封、河南南陽，湖廣之鄖陽附之；西南則湖廣、四川、雲、貴爲主，而廣西之柳南寧遠潯太平附之。科貢考選，前三名與進士同掣，其餘舉監，仍與進士概選。至首領佐貳，有錢穀詞訟之責，本省易嫌，難照教職例。上從之。”曹議實錄不載，故

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>